

重修兩淮鹽法志

兩淮鹽法志卷一百四十一

優恤門

恤竈

上

濱海斥鹵之鄉地號不毛居人煮鹽爲生用代耕耨一遇旱澇則舉室饑號是惟救死之不贍遑問賦稅哉我朝以仁爲治煦和濡膏與之蘇息

列聖軫念民艱或蠲或賑所以爲窮黎計者高矣厚矣軍興以來案牘多闕然大吏承流宣化補苴調劑亦有可觀其籌款濟收另自爲篇志恤竈

順治十六年巡鹽御史高爾位以徐濱臨洪二場竈逃課

鳳翔縣志 卷三 四
一
懇疏請蠲免部覆自二年起至十一年止其欠折價銀三千九百餘兩皆議免徵

康熙五年巡鹽御史黃敬璣題准呂四一場蕩地衝坍大半又兼潮災男婦淹沒僅存百餘丁責其納二千餘兩額課勢所不能今令勉輸一半其一半比照徐瀆廢場之例暫令二十六場均攤代納俟該場生聚之日復舊嗣於康熙九年巡鹽御史席特納奏莞瀆一場河決竈逃無人辦課徐瀆一場先因禁海遷革呂四一場被海波衝削大半所以徐瀆折價銀兩並呂四一半折價俱攤於二十六場代納查二十六場竈丁疊遭旱澇自辦

尙且不足復歷年代人完納困苦實甚請將莞徐呂三場均攤錢糧停其代納照民人近海坍江事例豁免戶部議覆不便因莞濱一場被災遂將徐呂二場攤徵盡免應將此二場仍照常徵收其莞濱一場應徵七百兩有奇准其豁免俟水退地出之日復舊

康熙三十八年巡鹽御史卓琳以白駒等十四場水災請豁三十七八兩年上下五分應徵折價三萬三千六百九兩有奇奉

行允行

雍正二年七月通泰淮三分司所屬豐利等二十九場悉

被潮淹惟莞濱一場獲免先經巡鹽御史謝賜履運使
何順公捐撫恤銀三千兩嗣巡鹽御史噶爾泰新任運
使何世璠借支庫銀一萬五千兩委員安撫賑救一面
查明通屬豐利掘港西亭三場泰屬柃茶角斜富安安
豐梁埭東臺何埭丁谿小海草堰十場淮屬白駒劉莊
廟灣伍祐新興板浦六場共計溺死男婦大小四萬九
千五百五十八口其餘各場丁口未損然房屋鍋蓬盤
鍬亭場池井灰涵草蕩禾苗牲畜什物商垣廩鹽悉皆
漂溺無遺范公隄岸多被衝圯場員衙署閒有傾頽並
查各窳尙有未完折價錢糧四萬一千三百八十五兩

有奇會疏請將逋課分年帶徵借支庫銀另行捐補欽奉

諭旨動支鹽課銀三萬兩委員分賑不必捐補未完折價錢糧四萬餘兩悉行蠲免隨欽遵支鹽課銀一萬五千兩委員督同分司場員核其被災輕重人口多寡至重者每大口賑銀一兩一錢二分每小口賑銀五錢六分次重者每大口賑銀五六錢每小口賑銀二三錢不等最輕者每大口賑銀六分九釐每小口賑銀二分七釐計男婦大小三萬七千六十九口共賑銀六千兩泰屬各場每大口賑銀一錢每小口賑銀五分計男婦大小一十八萬

三千三十三口共賑銀一萬五千兩淮屬各場每大口賑銀一錢二分每小口賑銀六分計男婦大小五萬三百一十口共賑銀四千八百二十九兩有奇又淹溺池面亭場房屋人口之戶加賑銀四千一百七十餘兩二共賑銀九千兩造冊報部准銷范公隄岸眾商照估捐貲三萬一百八十餘兩興工修補

謹按前明竈鹽歸倉猝遇雨水衝激事出不測而有損失者免罪不賠餘鹽留爲賑濟商人亦捐銀米均謂之隨鹽賑濟嘉靖閒朱廷立疏請照有司賑濟事例量爲動支官銀通融設法後亦未有定制我

朝沿明之舊因兩淮刮漚煎鹽與地丁錢糧不同故無賑恤之典康熙四年御史黃敬璣疏請蠲賑部議未准嗣後間有災傷皆官商自捐迨是年

特旨動帑三萬兩不必捐補又免折價錢糧於是核其被災輕重人口多寡給賑尙未按戶部民田則例開銷次年商人公捐銀二十四萬兩又備鹽臣公務銀八萬兩奉

旨以三十萬兩留爲江南買儲米穀蓋造倉廩之用

欽賜名鹽義倉經大臣議准每年於青黃不接時照存七糶三例出陳易新米貴時平糶儻地方有賑濟之用題請

動支自是兩淮場竈災傷多援地方偏災之例乾隆元年始照戶部民田則例畫一題銷

雍正八年六月二十一二等日沿海風潮通州分司所屬西亭豐利掘港金沙餘西餘東六場泰州分司所屬柟茶角斜小海草堰丁谿五場淮安分司所屬白駒劉莊伍祐新興廟灣板浦徐瀆莞瀆臨洪興莊十場被災內廟灣莞瀆臨洪三場尤重署理鹽政伊拉齊捐銀五百兩運使范廷謀捐銀四百兩署淮安分司陳廷彥捐銀三百兩先行撫恤每大口給錢百文小口給錢五十文西亭金沙廟灣新興四場淹死男婦各三口每口捐銀

一兩掩埋一面勘明通屬之西亭等六場泰屬之柟茶等五場並續被西水之東臺何垛二場淮屬之興莊伍祐劉莊白駒四場俱不成災惟淮屬之廟灣莞濱臨洪三場被災十分板浦徐濱二場被災八分新興場被災六分經伊拉齊會疏題報請將被災十分八分之廟灣等五場應徵折價錢糧照例蠲緩被災戶口發就近之板浦海州等處倉米賑濟三月每大口月給米一斗五升小口減半成災六分之新興場應徵折價錢糧照例蠲緩勘不成災之西亭等十一場應徵折價錢糧照例次年徵收同被災六分之新興場併發通泰等處倉米

減價平糶部議覆准計廟灣莞瀆臨洪板浦徐瀆新興
六場共蠲免七分四分一分折價銀六千七百七十餘
兩內有溢完銀留抵次年正賦又廟灣等處五場查明
男婦大小四萬二千六百一十口賑濟三箇月按一米
二穀核給共動用倉穀三萬二百五十石有奇

雍正十年通泰淮三分司所屬之豐利等二十五場於七
月十六七八等日風潮淹漫經兩江總督兼攝鹽政尹
繼善鹽政高斌先後題報勘明成災一十九場部議覆
准按成災分數蠲免雍正九年分折價銀一萬九百七
十餘兩九年除蠲應徵折價並七八兩年未完折價緩

俟十一年帶徵其商人黃光德等借動鹽義倉穀八萬石分爲三月給賑勘不成災之馬塘等六場照被災合竈減半賑濟又欽奉

恩旨加賑一月連先行撫恤共動用銀一萬七千六百七十五兩有奇穀十萬四千一百七十二石九斗五升

雍正十二年二月鹽政高斌遵奉

特旨動撥鹽義倉穀三千一百一十八石零設厰煮賑通州濱海之豐利等十場竈戶並將應徵折價一概緩至秋成後徵收

雍正十三年五月鹽政高斌疏言上年江蘇所屬地方六

月雨多臣因邇州分司所屬竈地雖勘未成災而秋收
歉薄自應仰體

天心一體賑恤一面辦理一面奏明今自雍正十二年十二月初一日起至雍正十三年三月底止賑過豐利馬塘掘港石港西亭金沙餘西餘東等八場共用米四百六十九石四斗二升穀四千六百四十七石二斗五升八合
部議准銷

雍正十三年十二月兩江總督趙宏恩鹽政高斌奉

上諭將兩淮鹽場竈戶雍正十二年以前未完折價錢糧查奏
蠲免嗣於乾隆元年四月署理鹽政尹會一題覆豐利

等十二場未完雍正七八九並十一年折價銀四千一百二十九兩有奇又雍正十二年豐利等十二場未完折價等銀五萬四千四百十三兩一錢六分零丁谿等六場未完雍正十一年分隨折耗羨銀二百十三兩有奇又雍正十二年豐利等三十場未完隨折耗羨銀四千五百九十二兩有奇通共未完折價並隨折耗羨等銀六萬三千三百四十八兩有奇部議皆豁免之

乾隆元年七月署鹽政尹會一奏淮安分司所屬廟灣新興臨興白駒劉莊伍祐等六場雍正十三年歉收荷蒙聖恩將乏食竈戶煎丁照民賑之例一體加恩當經遵照每月

每大口給穀一斗二升每小口給穀六升自雍正十三年十一月初一起至乾隆元年三月底止其賑過五箇月動用鹽義倉穀四萬六百七十七石六斗部議准銷謹按兩淮自雍正二年設鹽義倉乾隆元年閒遇蠲賑始照戶部民田則例畫一報銷戶部則例附載於後

戶部民田則例凡水旱成災鹽政會同督撫一面題報情形一面發倉將乏食窮竈不論成災分數先行正賑一箇月於四十五日限內查明成災分數分極次貧具題加賑原納折價作爲十分被災十分者蠲

正賦十分之七極貧加賑四箇月次貧加賑三箇月
被災九分者蠲正賦十分之六極貧加賑三箇月次
貧加賑兩箇月被災八分者蠲正賦十分之四被災
七分者蠲正賦十分之二八分七分極貧加賑兩箇
月次貧加賑一箇月被災六分五分蠲正賦十分之
一六分極貧加賑一箇月次貧借給口糧五分酌借
來春口糧應賑每口米數大口日給五合小口二合
五勺按日合月小建扣除銀米兼給穀則倍之穀爲
本色銀爲折色初賑本色次賑折色展賑出自

恩旨則本折各半折賑米價江蘇省每米一石定價一兩每穀

一石定價五錢穀撥災地就近之鹽義倉銀動庫儲
鹽課分司大使不能兼顧委員協辦散賑處查明極
次貧大小口臨賑遇有事故聞賑歸來補給運穀水
腳水路每石每里二毫五絲陸路每石每里一釐五
毫賑竣如遇青黃不接開倉平糶或借口糧中有連
年積歉及當年災出非常再加撫恤臨時題奏災地
錢糧災起停徵蠲贖錢糧十九八分分三年帶徵七
六五分分二年帶徵五分以下勘不成災緩至次年
麥熟以後次年麥熟錢糧遞行緩至秋成中有被災
之年深冬方得雨雪及積水方退者應將緩至麥熟

以後錢糧再緩至秋成以後新舊並徵蠲餘錢糧謂之蠲贖災前徵完謂之溢完存爲下年正賦謂之留抵房屋修費瓦房每間銀七錢五分草房每間銀四錢五分鹽池修費大池銀一兩小池銀五錢淹斃丁口埋葬銀每大口自五錢至八錢爲率小口自二錢五分至四錢爲率蕩草歉薄購備陳草整理亭場借給草本分項扣還因災出糶照依市值減價二錢爲率

乾隆元年淮安分司所屬板浦徐瀆莞瀆三場六月二十四等日及七月初三日至二十八等日連雨鹽池

兩淮鹽法司卷一百四十一
地畝猝被潮災經署理鹽政尹會一勘明莞瀆被災七
分板浦徐瀆被災六分題蠲雍正十三年分折價等銀
八百四十五兩一錢八分零護理鹽政運使盧見曾題
報應賑戶口每大口月給穀三斗小口月給穀一斗五
升賑濟兩箇月共用鹽義倉穀七千六百三十七石一
斗部議覆准分別蠲銷

乾隆三年通泰淮三分司所屬豐利等二十四場夏秋被
旱經護理鹽政鹽務道徐大枚題請動支鹽義倉穀減
價平糶乏食窮丁每戶借給大麥一石價銀六錢鹽政
三保查明各場成災分數題蠲乾隆三年壓徵乾隆二

年分折價等銀二萬二千一百七十六兩有奇其被災
五分六分七分板浦等場除應蠲銀兩外其餘應徵銀
兩照例分作二年帶徵被災八分九分臨興等場除應
蠲銀兩外其餘應徵銀兩並八分九分之草堰劉莊二
場未完乾隆元年銀兩一併照例分作三年帶徵至勘
不成災之耕茶一場應徵折價銀兩亦照例緩至次年
徵收被災戶口極貧者賑濟四箇月又欽奉

恩旨加賑一月次貧者賑濟三箇月又次貧者賑濟兩箇月貧
生賑濟三箇月大口每月給米一斗五升小口每月給
米七升五合鹽義倉穀因碾米平糶撥運無存應照例

每米一斗折價銀一錢通共用銀二十五萬五千八百六十三兩有奇均經部議覆准

乾隆四年泰州分司所屬廟灣一場淮安分司所屬板浦徐瀆中正莞瀆臨興等場本年春旱鹽池乾涸入夏陰雨兼之暴潮突發蕩地鹽池被水經鹽政三保勘明成災六七八九分不等題蠲乾隆四年應徵乾隆三年分折價二千五百六十五兩有奇其被災六分七分之廟灣等場折價等銀除應蠲外其餘銀兩照例分作二年帶徵被災八分九分之莞瀆等場折價等銀除應蠲外其餘銀兩照例分作三年帶徵至各場乾隆四年帶徵

乾隆二年折價等銀亦照例緩至次年帶徵被災戶口
請用運庫餘平一半充公銀兩分別普賑嗣經鹽政準
泰題報通計極貧之戶普賑四月又欽奉

恩旨被災稍輕者加賑兩月重者加賑四箇月其次貧之戶普
賑三箇月又欽奉

恩旨被災稍輕者加賑一箇月重者加賑兩箇月又次貧戶普
賑兩箇月又欽奉

恩旨加賑一箇月續又遵奉

恩旨將未種二麥地方之乏食民竈再行加賑一月大口月給
銀一錢五分小口月給銀七分五釐共用銀五萬七千

八百三十五兩有奇又板中臨三場坍場草房三千五十一間每間給修理銀四錢五分共用銀一千三百七十二兩有奇均經部議覆准蠲緩支銷

乾隆五年淮安分司所屬臨洪興莊板浦中正徐瀆莞瀆等場春夏天旱無潮禾苗盡槁斃辦艱難加以七月十八十九等日海潮泛漲禾苗被淹池鹽無出經鹽政準泰題請動一半充公銀兩先行撫恤一月部議覆准續復查明板浦等場勘不成災惟臨興場成災六分請將極貧給賑四月次貧給賑三月又次貧給賑兩月部議以甘撫元展成奏報夏禾被旱案內議定被災六分收

成尙有四分應擇其極貧者加賑一箇月每大口日給米五合小口減半是次貧又次貧者並不在應賑之內應令遵照辦理隨照例將臨興場極貧戶口賑濟一月連撫恤一月共題銷銀三千三十二兩一錢蠲免乾隆五年應徵乾隆四年分折價銀一百六十三兩有奇仍有應徵九分銀數分爲二年帶徵其板浦徐濱中正莞濱各場應徵折價等銀緩至次年徵收中正場乾隆四年應帶徵乾隆二三兩年折價等銀並未完元年水鄉銀兩亦遞至二徵收

乾隆六年三月鹽政準泰奏言淮安分司所轄之臨興等

場自乾隆三四兩年旱潦頻仍上年復遇偏災荷蒙

皇上蠲賑兼施而災餘窮窳尙未全收所有乾隆六年應徵折

價等銀除本年額徵外尙有積壓元二三四等年舊欠一歲之內新舊併徵電力未免拮据請將臨興等場積欠元二三四等年折價銀一萬三千七百九十四兩有奇統俟乾隆七年起分作五年帶徵欽奉

硃批以明年爲始三年帶徵欽此

乾隆六年淮安分司所屬板浦中正臨洪興莊徐瀆莞瀆等場於四月初二日起陰雨決旬至十四五等日鹽池麥地被淹經鹽政準泰勘明莞瀆臨洪興莊三場麥收

歉薄窮竈乏食題准動支鹽義倉穀先行撫恤一月共
用穀六千九百五十石七斗板徐中臨等場勘不成災
竈戶動撥倉穀減價平糶嗣於七月查明泰淮二分司
所屬廟灣一場成災七分板浦中正徐瀆莞瀆興莊等
場成災六七八九十分不等題蠲乾隆六年應徵乾隆
五年分折價等銀四千八十三兩有奇餘贍未完銀兩
照例分作二年三年帶徵又廟灣場乾隆六年應帶徵
乾隆二三年折價等銀遞至乾隆七年帶徵又七年應
帶徵三年折價等銀遞至八年帶徵至淮屬帶徵各年
銀兩已於一歲內積欠等事案內奏准分年帶徵仍

照原案辦理應賑戶口被災六分極貧加賑一月被災七分八分極貧加賑兩月次貧加賑一月被災九分極貧加賑三月次貧加賑兩月被災十分極貧加賑四月次貧加賑三月其極貧戶口先行撫恤一月又莞濱場奏准加賑一月共用銀一萬四千四百三十四兩有奇穀二萬五千二百五十八石二斗

謹按次年五月鹽政準泰奏言莞濱一場上年被災獨重近蒙

皇上軫念准徐海等屬連被水災又普賑一月祇因鹽場賑濟向歸鹽屬報銷

旨允行

欽差會奏加賑案內鹽場不在其中茲據淮安分司詳莞濱場坐落海州境內請照海州一例加賑一月所有鹽義倉米穀已經奉文平糶不敷給賑請照例每穀一石折給銀五錢動撥餘平一半充公銀兩發場給賑奉

乾隆七年淮安分司所屬板浦徐濱中正莞濱臨洪興莊六場泰州分司所屬富安安豐梁垛東臺何垛丁谿草堰小海劉莊伍祐新興廟灣十二場夏秋雨多又值河湖異漲鹽池蕩地先後被淹經護理鹽政運使朱績暉鹽政準泰先後題報勘明廟灣一場成災九分臨洪興

莊東臺何垛四場成災六分徐瀆丁谿二場成災七分
板浦中正二場成災八分富安一場成災九分莞瀆安
豐梁垛小海草堰劉莊伍祐新興八場成災十分題准
蠲免乾隆七年應徵乾隆六年分折價等銀二萬一千
四百六十七兩有奇餘贖未完銀兩照例分作二年三
年帶徵溢完銀兩留抵下年正賦乾隆七年未完乾隆
二三四五等年帶徵銀兩並辛酉綱奏銷案內未完銀
兩俱照帶徵年分按年遞徵富豐梁丁四場收成歉薄
不成災田蕩應徵錢糧緩至乾隆八年麥熟後徵收並
遵例被災戶口先行撫恤一月被災十分極貧加賑四

月次貧加賑三月九分極貧加賑三月次貧加賑兩月
八分七分極貧加賑兩月次貧加賑一月六分極貧加
賑一月又欽遵

恩旨被災最重者於起例應賑月分之外加展三箇月其次者
加展兩箇月災止六分次貧不賑者俱賞賑一箇月無
業貧民乏食生監各隨所居一例給賑大口月給米一
斗五升小口減半每米一斗折給銀一錢二分其用銀
二十四萬九千九百六十二兩有奇米四萬七千三百
七十六石七斗五合穀一萬八千一百二十五石二斗
五升卅房修費照例草房每間給銀四錢五分瓦房每

開給銀七錢五分其用銀三千四百三十六兩有奇

乾隆八年淮安分司所屬板浦徐濱中正莞濱臨洪興莊等場二麥鹽池被旱經鹽政準泰題准將專業埽鹽貧竈照借給麥價之例量貸口糧其事耕種乏食窮竈無論極次貧折賑一月嗣各場續被秋旱勘明板浦徐濱中正三場鹽池成災六分莞濱臨洪興莊三場蕩地成災八分臨洪興莊鹽池成災五分題蠲乾隆八年分折價銀一千四百七十三兩有奇餘贖銀兩照例分作二年三年帶徵被災戶口除成災五分各場應否借給口糧俟來春查酌外所有被災六分極貧應加賑一月

被災八分極貧應加賑兩月次貧加賑一月又奏准莞
濱臨興等場照海州贛榆民戶例極貧加賑四十日次
貧加賑三十日銀米兼賑每米一斗折給銀一錢二分
嗣經署理鹽政吉慶題銷撫恤加賑共用銀一萬五千
一百二十七兩八分米二千一百石穀一千四百二十
九石八斗

謹按次年三月準奏言淮安分司所屬莞濱等三
場上年旱災題准極次貧竈戶加賑但各場連遭水
旱之後距收成尙遠方慮無可接濟適接邸鈔伏讀
上諭將海州贛榆極貧者加賑四十日次貧者加賑三十日今

莞濱臨洪興莊三場俱坐落海州境內情形與民戶相同請照海贛二州縣民戶一體將極次貧加賑其需穀七千七百九十七石有奇海州鹽義倉存穀恐有不敷請照例銀穀兼賑奉

硃批著照所請行欽此

乾隆十年淮安分司所屬板浦徐濱中正莞濱臨洪興莊等場夏被水災經鹽政吉慶查明板浦徐濱中正鹽池涸出猶可曬歸資生題請將乾隆八年夏災案內所貸麥價緩至來年麥熟催徵素不產鹽之莞濱與牛耕牛曬之臨洪興莊三場二麥歉收秋成尙遠請先撫恤一

月嗣板浦等六場入秋復被水災續經題准將專事鹽
鹽之板徐中其三場及臨洪興莊二場之業鹽竈戶先
行撫恤一月並勘明莞瀆場成災九分板浦徐瀆中正
臨洪興莊五場被災六分蠲免乾隆十年壓徵乾隆九
年分折價一千四百八兩有奇下賸銀兩照例分作二
年三年帶徵同未完麥價俟明年麥熟後啟徵其乾隆
十年並十一年帶徵七年八年折價銀兩遞至十一
二年帶徵被災九分極貧加賑三月次貧加賑兩月被
災六分極貧加賑一月每大口月給穀三斗小口減半
莞瀆場賑穀共用穀九千四百六十七石一斗餘場每

穀一斗折給銀五分其用銀五千六百兩一錢

乾隆十年泰州分司所屬廟灣場於七月二十三等日黃水漫溢兼值海潮上湧亭場廬舍草蕩田禾悉被淹灌經鹽政吉慶題報先行撫恤一月並勘明成災十分請蠲乾隆十年壓徵乾隆九年分折價銀二千五百一十兩有奇災前各蠲溢完銀兩留抵次年正賦其餘未完銀兩照例分作三年帶完極貧加賑三月又欽奉

恩旨無論極次貧於停賑之後再行普賑一月共用銀一萬七千一十六兩有奇米四千三百三十四石四斗穀八千六百六十一石六斗又坍塌草房向例每間給修葺銀

四錢五分欽奉

恩旨於定例之外每開加增銀二錢共用銀一千七百三十四兩二錢

乾隆十一年五月鹽政吉慶奏明通泰二分司所屬場分商捐修建潮墩一百四十八座嗣於次年七月猝被大潮凡竈丁趨避潮墩者皆得生全咸謂潮墩尙宜增益又經吉慶會同兩江總督尹繼善於十二月奏建潮墩八十五座其費眾商仍願公捐

詳見
隄墩

乾隆十一年八月鹽政吉慶勘明海州屬之板浦徐濱中正臨洪興莊五場成災八分莞濱場成災九分乾隆十

年以前舊欠折價錢糧業經奉

旨豁免其被災九分極貧加賑三月次貧加賑兩月被災八分極貧加賑一月又欽奉

恩旨被災九分之莞瀆場無分極次貧概加賑兩月被災八分之板浦徐瀆中正臨洪興莊五場亦無分極次加賑一月共用銀九千五百六十八兩有奇穀二萬三千七百三十二石五斗五升

乾隆十二年通泰淮三分司所屬二十五場七月閒風潮淹斃男婦丁口除富安安豐梁垛東臺何垛五場災輕毋庸撫恤外其餘二十場經鹽政吉慶題准不拘銀米

先給撫恤口糧一月其衝坍房舍照例給與修費淹斃
壓死男婦丁口每大口給棺殮銀一兩小口減半又竈
地多有流寓焦草捕魚之民戶及承種竈沙之民人同
遭水患未便歧視亦應附場一體撫恤續後勘明通屬
呂四餘東餘西金沙西亭石港六場泰屬伍祐新興劉
莊廟灣四場淮屬板浦徐濱中正莞濱臨洪興莊六場
蕩地鹽池被災五六七八九十分不等題准蠲免乾隆
十二年應徵十一年折價銀七千九百七十五兩有奇
仍有應徵銀數分作三年二年帶徵其勘不成災之通
屬豐利掘港角斜耕茶四場泰屬之草堰丁谿小海三

場及金沙伍祐新興劉莊廟灣五場未經潮漫勘不成
災蕩地亦經風雨歉收所有本年折價並淮屬乾隆八
年夏災案內未完麥價銀兩均俟次年麥熟啟徵各場
遞年帶徵銀兩一例按年遞緩呂四餘東餘西三場內
被災八分九分之極貧災竈並伍祐場被災七分之極
貧災竈及流寓在竈之極貧民戶照例加賑兩箇月各
次貧同呂四餘東餘西三場內被災六分之極貧及新
興場被災六分之極貧災竈並流寓在竈之極貧民戶
照例加賑一箇月被災九分之板浦徐濱中正臨洪興
莊五場極貧災竈照例加賑三箇月次貧加賑兩箇月

被災十分之莞漬場極貧照例加賑四箇月次貧加賑三箇月又欽奉

恩旨被災十分九分七分之極次貧俱加賑兩月六分者加展一月次貧同五分之極次貧俱加賑一月寄居場地之民戶各視所居之地一體撫恤共用銀四萬九千二兩有奇米一萬六千一十七石五斗四升九合穀六萬三千八百八十三石四斗五升二合坍房修費計銀一萬三千六百八十八兩一錢棺殮之資計銀六百八兩十月又經吉慶奏動運庫鹽課銀一萬五千兩分發通泰淮三分司各五千兩查明實在極貧無力措辦場池修

費者按池井多寡量借工本修復計實借銀一萬二千九十六兩六錢餘騰歸庫明年七月以次扣還奉

旨允行

乾隆十二年十一月大學士伯張廷玉等議覆鹽政吉慶奏請撥鹽義倉穀十五萬石分發各場減價平糶一摺查今秋兩淮鹽場米價稍昂自應酌量平糶以資接濟據該鹽政奏稱見今米價每石自一兩七八錢至二兩不等請將鹽義倉米減價平糶每米一升糶錢十文以各場時價計算每穀一石在一兩三錢上下等語查平糶定例豐年按市價酌減五分歉收之年酌減一錢從

前江南則照時價每石減銀二錢江西減銀一錢五分
山東減至二三四錢不等再查本年山東平糶奏准時
價二兩以上總以酌減三錢爲率今該鹽政所奏米價
自一兩七八錢至二兩而糶價僅一兩三錢未免減數
太多適以滋弊臣等酌量該處平糶照市價每石當照
山東奏准之例總以三錢爲率至所奏本年例無加賑
場分請於今冬平糶其加賑者俟明年賑畢平糶應如
所請行

乾隆十四年秋大雨河海交漲池蕩被淹經署鹽政吉慶
疏勘淮屬板浦徐濱中正堯濱諸場成災五分泰屬廟

灣成災六分戶部覆准廟灣加賑一月計穀二千五百五十石九斗廟灣並板浦諸場蠲免折價一分數計銀一千九十一兩零蠲騰歷徵諸項遞緩有差是年冬鹽政復奏鹽義倉存儲米穀以備緩急今因糧價昂貴通泰海三屬乏食窮竈煎丁每戶借米三四斗秋收還倉計共借米六千二石五斗穀四萬三千六百一十四石六斗部覆准行

乾隆十五年六月大雨上游水發通泰二屬亭淡鹵薄准屬被淹經鹽政吉慶疏勘板浦徐濱中正成災五分莞濱臨洪興莊成災六分經部議准莞濱臨洪興莊加賑

一月計穀五千六百九十八石八斗臨興坍塌草房七百十七間修費計三百二十二兩六錢五分六場共蠲免折價一分數計銀八百九十六兩有奇蠲贖壓徵遞緩有差

乾隆十六年正月署鹽政吉慶奏通淮兩屬瀕海被淹請發倉穀接濟通屬請穀二萬三千石淮屬請穀八千七百石每米一石減價一錢每升通屬定以九文半淮屬定以十文糶出錢文扣除運腳發商買補還倉部覆准行

乾隆十六年二月

聖駕南巡欽奉

恩旨兩淮竈欠自乾隆二年至十四年因災停緩帶徵折價銀
四萬二千二百九十一兩六錢七分五釐與民賦積欠
一體豁免

謹按乾隆二年以後竈欠前於乾隆十年欽奉

上諭將丙寅年直省應徵錢糧通行蠲免鹽政吉慶奏照雍正
十三年蠲免之例部駁以雍正十三年蠲免十二年
以前民欠乃係豁免未完積欠與今次普免不同而
彼時兩淮場竈未完折價一體豁免係奉

特旨今次輪蠲係專指地丁而言折價一項與蘆課本色漕項

無異原議不在蠲免之內照舊徵收故乾隆二年以後竈欠至是年始邀豁免

乾隆十六年十月鹽政吉慶奏竈丁以前贖鹽斤爲業每向各竈戶重利借貸以資食用奉

恩旨著於公項內動銀數萬兩准其春借夏還不必加息謹按各災年竈戶借給草本由此而始

乾隆十七年三月鹽政普福呈通泰二屬各場米糧昂貴請於附近各鹽義倉內撥穀平糶每石減價一錢戶部覆准凡糶穀七萬七千石

乾隆十八年九月以後湖河異漲泰淮諸場地俱被淹浸

經鹽政普福疏勘泰屬廟灣被災十分草堰小海劉莊
伍祐新興被災七分富安安豐梁垛東臺何垛丁谿被
災六分淮屬板浦徐濱中正莞濱被災九分臨洪興莊
被災八分戶部覆准按分給賑計銀一十二萬七千三
百二十四兩有奇穀九萬二百九石五斗五升均於商
捐備賑項內支銀就近鹽義倉支穀草房修費計銀六
千四百八兩九錢亦在商捐備賑項內泰屬計蠲本年
壓徵折價五千五百四兩有奇淮屬計蠲本年壓徵折
價五千五十兩有奇蠲賸分帶各有差十九年正月又
經鹽政吉慶疏請動撥借修鹽池銀一萬一千三百七

謹按是年九月有

文武官出結督撫具題豁免

乾隆十九年八月初二日風潮通屬角斜耕茶豐利掘港
呂四石港餘東餘西西亭九場經鹽政吉慶勘不成災
題請撫恤一月欽奉

恩旨加賑一月戶部覆准撫恤一月計穀七千二百一十一石
折給銀三千六百餘兩被潮頂衝之角斜等五場加賑
一月計穀六千五百七十餘石九場並金沙坍倒草房
修費計銀三千六百餘兩角斜等八場溺死男婦計棺
殮銀三百兩有奇均於商捐備賑銀內開銷十月又經
鹽政疏請因災出糶部准通淮兩屬撥糶倉穀二萬六
千五百石每石減價二錢

乾隆二十年七月海潮湧入通泰淮三屬場竈被淹奉

旨賞給一月口糧經護理鹽政運司盧見曾疏勘通屬十場及

泰屬富安安豐梁垛東臺何垛五場不致成災請將未完折價錢糧緩至來年麥熟啟徵丁谿草堰小海劉莊伍祐新興六場成災六分極貧加賑一月蠲免一分折價銀二千一百八十一兩有奇廟灣一場成災八分極貧加賑兩月次貧加賑一月蠲免四分折價銀一千四百三十四兩有奇淮屬板浦中正二場成災九分極貧加賑三月次貧加賑兩月徐濱莞濱臨洪興莊四場成災十分極貧加賑四月次貧加賑三月計蠲免板浦及

歸併之徐濱六分七折價銀二千一百九十五兩有奇中正及歸併之莞濱六分七折價銀二千三百四十兩有奇臨洪及歸併之興莊七折價銀一千一百四十三兩有奇其餘蠲贖緩徵各有差又奉

恩旨鹽屬場照坐落各州縣情形與地方貧民無異應展賑者照例按月展賑應給口糧者俟秋後徵還欽遵將准屬原勘成災十分九分之板浦六場列爲最重其極貧加賑三月次貧加賑兩月泰屬原勘成災八分之廟灣一場本屬稍輕極貧加賑兩月次貧加賑一月六分之丁谿等六場亦屬較輕第非勘不成災極貧加賑一月次貧同

勘不成災之富安等五場通屬十場各借一月口糧秋
收免息徵還折賑銀兩亦依

恩例加增每穀一斗折銀六分

乾隆二十年冬鹽政普福疏通屬十場范公隄外係鹽池
煎丁隄內係竈民雜處種棉豆者甚多七八月閒雖有
雨水原未成災及至收成甚屬歉薄秋災定例不出九
月卽有在五分以下者亦不能具報前奉

恩旨有限外無力窮丁賞給一月口糧其隄內有地竈民例不
撫恤此時米價昂貴民竈多有艱窘請查各處米價在
二兩以外者照災年平糶之例每石酌減市價三錢在

二兩以內者每石酌減市價二錢於附近鹽義倉內分
撥冬閒平糴其餘秦淮所屬各場有賑者賑畢無賑者
隨時一體開糴奉

旨允行

乾隆二十一年五月欽奉

恩旨上下兩江被災最重之州縣極貧各加賑兩箇月次貧加
賑一箇月其勘不成災例無撫恤之州縣酌借口糧一月初
收後免息徵還

乾隆二十二年二月

聖駕南巡欽奉

恩旨將兩淮乾隆十七十八十九等年停緩帶徵竈欠未完折價銀三萬八千餘兩一體豁免內於未奉

恩旨之先已據各場續完銀一萬一千三百四十餘兩尙有實欠銀二萬七千一百二十七兩三錢有奇皆免之

乾隆二十二年通泰淮三屬偶被風雨各場亭池淹漫經鹽政高恆呈部板浦徐瀆中正莞瀆臨洪興莊六場撫恤口糧借給過鹽義倉穀七千四百六十八石三斗五升准於一年限內徵收部覆允之

乾隆二十三年鹽政高恆呈淮屬頻年被水每遇青黃不接動撥米穀平糶查板浦徐瀆中正莞瀆臨洪興莊等

場糙米市價每倉斛一石市平色銀二兩二分二釐應
照奏准酌減之例減價三錢戶部准行凡平糶穀一萬
五千餘石

乾隆二十四年鹽政高恆疏稱通泰淮三屬八月初二初
三兩口潮水乘風而上低窪亭場蓬舍草蕩被淹奉

旨以泰屬之丁谿小海草堰劉莊伍祐新興廟灣七場應徵折
價照被災十分之例蠲賸分三年帶徵至泰屬五場通
屬十場淮屬三場被災較輕之處應徵之項分二年帶
徵欽遵蠲免泰屬北七場共銀二萬一千三百三十兩
有奇其餘帶徵有差

乾隆二十五年三月鹽政高恆奏通泰淮三屬上年秋被風潮查明各場米價於附近各鹽義倉內撥穀照例減價二錢平糶秋成買補還倉欽奉

恩旨凡糶穀三萬四千一百八十一石九斗五升

乾隆二十七年二月

聖駕南巡有

旨豁免兩淮鹽戶從前帶徵折價於是通泰淮三屬乾隆二十三年分未完銀九千六百五十四兩七錢有奇皆除之乾隆三十三年夏秋泰屬被旱鹽政尤拔世疏勘富安安豐梁垛東臺何垛草堰劉莊伍祐新興又丁谿並歸併

之小海等十一場成災八分廟灣成災七分先借草本
以資辦煎毋庸撫恤通屬角斜與災地相連海屬板浦
中正臨洪旱後得雨均不致成災泰屬極貧加賑兩月
次貧加賑一月計賑銀三萬七千五兩穀十一萬一千
四百八十九石四斗五升蠲免折價錢糧二分四分数
銀二萬一千七百九十二兩有奇通屬角斜一場海屬
三場均借給口糧明年麥熟啟徵又經鹽政疏請通泰
海三屬各場災歉之後米價昂貴於附近各場義倉內
先後撥穀九萬七千八十八石三斗照例減價一錢民
竈一體糴食均經部覆准行三十四年有

旨加恩海州所屬上年借給口糧緩至明年麥熟徵收餘如所
奏

乾隆三十四年十月戶部議覆鹽政尤拔世奏海屬板浦
中正臨興三場被水處池井涸出惟因滷氣浸淡不能
剋期成鹽並有池井被衝未能修補秋禾雜豆因水退
稍遲結粒未能盡實勘不成災惟該場坐落海州積歉
之區請將本年錢糧緩至明年麥熟啟徵奉

旨允行

乾隆三十九年夏秋泰屬被旱戶部議准鹽政李質穎疏
勘富安安豐梁垛東臺何垛丁谿草堰劉莊伍祐新興

十場成災八分廟灣一場成災七分無須撫恤分別賑給兩月一月凡賑穀十一萬二千五百四石一斗九升五合賑銀二萬八千八百十四兩有奇蠲免折價錢糧四分二分数銀二萬一千七百九十二兩有奇蠲借給草本諸項帶徵有差嗣於次年三月覆經查明泰屬各場上年災歉之後米價未減通屬各場雖非歉收鄰境收成歉薄米賑稀少市價日增煎辦窮丁力難糴食請於近附鹽義倉內其動撥穀六萬六千石每石照例減價五分一錢三錢不等以資接濟部覆准行

乾隆三十九年十二月運司邊廷掄詳海屬冬寒米貴竈

情拮据請按池借給口糧來歲秋暘旺產照部每石七錢五分扣還買補計板浦徐濱中正臨洪興莊五場動穀八千八百七十六石二斗五升鹽政李質穎批允

乾隆四十年通奉海三屬夏秋被旱鹽政伊齡阿疏勘石港金沙掘港豐利併茶角斜廟灣七場成災七分富安安豐梁垛東臺何垛丁谿草堰劉莊伍祐新興十場成災八分餘西餘東呂四板浦中正臨興六場勘不成災戶部覆准成災各場分別給賑一月兩月勘不成災者酌借一月口糧計實動過以銀抵穀銀三萬九千七百六十九兩有奇穀一十四萬一百七十二石二斗二升

五合蠲免折價錢糧四分二分数銀二萬三千九百九十二兩有奇蠲賒緩徵其酌借口糧者遞緩折價借給草本次年扣徵各有差

乾隆四十一年五月鹽政伊齡阿呈通泰海三屬上年被旱已未成災各場俱毗連災地值此青黃不接市米價昂窮丁買食艱難請照例撥穀減價二錢平糶戶部覆准凡糶穀七萬一千三十四石四斗

乾隆四十一年海屬諸場因六場西水會馬陵山水下注由場入海加之六月大雨時行鹽池滿井以及禾苗雜糧俱被水淹漫鹽政伊齡阿勘題成災五分准借一月

糧計穀一萬一千五百三十九石五升修池工本計銀四千二百三十兩五錢四十一年應徵四十年分折價蠲免一分數銀一千八十八兩有奇部議允之

乾隆四十二年四月鹽政寅著呈海屬板浦中正臨興三場僻處海隅連歲災歉值此青黃不接兼鹽河關閉商賑不通市米價昂請撥板海二鹽義倉穀九千六百石減價二錢平糶以濟窮竈口食部覆准行

乾隆四十三年三月鹽政伊齡阿呈海屬板浦等三場米價昂貴請於板海二鹽義倉內動撥穀一萬六千石平糶每石減價五分部覆准行

乾隆四十三年通泰海所屬被旱被潮經鹽政伊齡阿疏
勘通屬耕茶角斜二場泰屬富安安豐梁垛東臺何垛
丁谿草堰劉莊伍祐新興廟灣十一場夏秋被旱不致
成災海屬板浦徐濱中正臨洪先旱後潮興莊未旱而
被潮重荒濱未潮而被旱重通計六場均災九分耕茶
等十三場借給一月口糧來年麥熟後啟徵海屬之荒
濱無庸撫恤其五場先行撫恤一月動給鹽課銀五千
五百一十五兩有奇給修冊房借修鹽池各有差六場
極次貧加賑三月兩月四十四年三月奉

恩旨展賑一月計初賑三賑本色給穀二萬三千七百八石八

斗五升二賑及加賑折色給銀一萬三千二百二十兩
有奇蠲免折價六分數銀六千五百二十九兩有奇其
餘通泰借給口糧及緩徵折價各有差覆經呈明通泰
海各場因災歉之後米價昂貴竈丁買食維艱請撥穀
平糶部覆准行凡糶穀八萬八千四百五十擔每擔減
價二錢

乾隆四十四年夏秋海屬淹漫池井鹽政伊齡阿疏勘板
浦中正臨興三場不致成災請將應扣各項銀兩緩至
明年秋後啟徵於冬月借給一月口糧穀一萬二千一
百六石二斗來春平糶以紓竈力奉

旨俞允於四十五年春出穀一萬四千五百石減價一錢平糶

戶部覆准

乾隆四十五年二月

豁免兩淮竈欠三萬五千六百二十四兩

謹按前此乾隆三十九四十四二十四十三等年角
斜富安安豐梁垛東臺何垛丁谿草堰劉莊伍祐新
興廟灣板浦中正臨興等十五場因災帶徵遞緩未
完之項至是全行豁免

乾隆四十五年大學士阿桂兩江總督薩載會勘海口二
套情形奉

旨二套以下既爲分洩盛漲之區則馬港河隄東灘地不能保
無漫溢其應徵減則地畝錢糧交薩載等查奏嗣於次年三
月會疏請免馬港河隄東灘地應徵減則錢糧內海州
中正場折價寬地四百八十二頃六十畝九分二釐該
銀一百一十一兩蘆課地五十六頃五十六畝八分應徵
課銀二十八兩二錢八分四釐均以四十五年爲始照
民賦一體豁除所豁地畝仍聽原戶執業部覆准行
乾隆四十六年閏五月監政圖明阿克乾隆四十五年正
月初一日

恩詔各省偏災地方借給民間籽種口糧牛具等項查明實係

力不能完者例邀豁免兩淮通泰二屬枰茶富安等十三場有乾隆四十三年因災借給竈丁口糧應徵穀價未完銀九萬三千二百四十三兩二錢四分七釐有奇又海屬板浦等場有乾隆四十四年冬月借給曬丁口糧穀一萬二千一百六石二斗經前鹽臣伊齡阿題請豁免部駁通泰因災乏食見在已閱年餘未便遽稱力不能完板浦等場借給口糧奏銷在

因詔以後與例未符概不准其豁免今查海屬板浦等場借給口糧與例不符應遵部覆其通泰二屬竈丁從前借給口糧原係不能自存之戶所以實在窮苦之狀雖閱年

餘未有起色仍祈豁免戶部議覆既據確查委係不能完准其豁免奉

旨允行

宋

兩淮鹽法志卷一百四十一

兩淮鹽法志卷一百四十二

優恤門

恤竈

下

乾隆四十六年六月通泰海三屬風潮鹽政圖明阿疏勘
廟灣場之窳予港濱海數竈被潮稍重餘西餘東二場
之濱海各竈沙七處與通州民沙連界十九日風轉東
南江湖衝圩成災七分板浦等三場夏雨時行山東諸
水由六塘河下注池井被淹十九日大風被潮亦重戶
部覆准廟灣場本年壓徵四十五年折價緩至來年帶
徵餘東餘西二場分別加賑一月兩月凡賑穀一萬三

千五百九十石七斗五升賑銀五千一百十五兩有奇
蠲免折價二分數銀二百四十兩有奇其餘帶徵有差
板浦等三場本年壓徵四十五年折價緩至來年分作
二年帶徵其通屬賙恤丁口海屬修池及冬月口糧皆
以商捐給之復於四十七年春撥穀七萬三百石減價
五分一錢二錢三錢不等在於通泰海三屬各場平糶
部覆准行

乾隆四十七年戶部議覆鹽政伊齡阿奏海州分司所屬
板浦中正臨興三場本年八月湖河水盛天雨頻仍秋
禾傷損蕩地無收成災八分借給修理鹽池工本鹽課

四千一百七十三兩五錢來年旺產按鹽啟徵初賑散
放本色計動鹽義倉穀一萬二千九百一十九石六斗
四升五合二賑散放折色計動鹽課銀五千六百四十
一兩有奇折價錢糧蠲免十分之四計蠲本年壓徵四
十六年分銀四千三百八兩有奇蠲贖各項分年帶徵
有差

謹按是年災荒復於四十八年撥板浦海州二倉穀
七千石平糶部准照依災地比減因得視江蘇省本
年平糶市價每石減銀二錢又通屬各場雖非歉收
米糧昂貴動撥附近鹽義倉穀二萬三千石分別減

價五分一錢不等平糶

乾隆四十九年三月

聖駕南巡

恩免各場竈戶四十五六兩年因災帶徵遞緩未完銀七千九百餘兩

乾隆五十年五月鹽政全德奏海屬三場上冬雨少今春乾旱竈地二麥失收請撥穀平糶本年乙巳綱折價錢糧緩俟秋產暢旺完納奉

旨允行又泰屬各場入春亢旱滷氣不升竈情拮据糶食維難

請一例撥穀平糶戶部准行

恭載

上諭一道
德音

乾隆五十年夏秋被旱鹽政全德疏勘通泰海三屬柃茶
角斜富安安豐梁埭東臺何埭廟灣板浦中正臨興十
一場成災七分八分丁谿草堰劉莊伍祐新興五場成
災六分豐利掘港二場勘不成災先是海屬三場春晴
土燥產鹽未旺經全德疏請將乙巳錢糧緩至伏陽旺
產後起徵伍祐新興廟灣三場又因晴久糧貴奉

旨將乙巳錢糧緩至秋鹽旺產起徵併借一月口糧至是成災
六分七分八分者分別給賑兩月一月初賑計給鹽義
倉穀一十三萬七千餘石二賑計給鹽課銀三萬二千
兩有奇本年壓徵折價蠲免四分二分一分計銀一萬

三千三百餘兩蠲贖分年帶徵其勘不成災者酌給口糧緩徵折價又成災六分之無賑次貧給口糧穀石折賑給銀八千五百兩有奇緩於明年秋成扣還所有前奉

恩旨賞借口糧明年麥熟啟徵嗣於五十一年二月有

旨加恩將海屬之板浦中正臨興三場再展賑一月其餘被災七分以下及勘不成災各場貧竈亦照例酌借口糧接濟所有動給折賑口糧各銀隨同正賑銀穀報銷借給七分災以下口糧等銀於秋成後啟徵扣限一年完報復經呈請海屬板中臨三場並通屬各場災歉之後市

價日昂於各附近鹽義倉內撥穀一萬三千六十石照各彼地時價分別災熟減價一錢五分及三錢平糶戶部准行

乾隆五十一年夏秋湖水泛溢海屬三場被淹泰屬廟灣一場濱臨射陽湖受水獨重鹽政徵瑞疏勘板浦中正臨興三場水退池井涸出秋糧成熟不致成災廟灣並歸併之天賜田禾蕩草率多爛萎成災七分初賑極次貧大小口散放本色計動鹽義倉穀一萬四千九百一十四石六斗二賑折色計動鹽課銀六千一百七十六兩有奇蠲免錢糧十分之二計蠲五十一年壓徵五十

年折價二分數銀九百四十兩有奇其餘分年帶徵有
差海屬三場壓徵折價亦遞緩一年各有差

是年淮北商眾調恤

見捐輸

乾隆五十二年秋泰屬廟灣海屬板浦中正臨興三場雨水頻仍湖河漲溢鹽政徵瑞疏勘板浦三場池井蕩田成災七分計給賑過鹽義倉穀一萬二千二百三十石五斗五升鹽課銀五千七十六兩九錢有奇借修鹽池銀四千三百二十二兩分限一年扣還歸款蠲免本年壓徵五十一年折價銀二千一百五十四兩有奇其蠲贍帶徵各項遞緩有差廟灣一場晚禾蕩草稍有淹損

勘不成災酌借口糧分限徵還其餘緩徵各有差

乾隆五十四年夏秋河水漫入淮安府阜甯縣屬廟灣場
山東蒙沂水發洩河水下注海州屬臨興中正板浦三
場經鹽政全德疏勘廟灣場之劉家簍等十二莊被水
較重成災五分其餘匣子港等七莊及海屬三場水退
較早均不成災將十二莊應徵折價並帶徵各項展至
來年麥熟後分作二年徵收奉

旨均如所請

乾隆五十五年春鹽政全德呈奏海二屬各場上年災歉
之後米價昂貴竈力買食維艱請於各附近鹽義倉內

撥穀四萬四千七百三十石五斗照例減價一錢平糶
戶部准行

乾隆五十八年夏雨秋潮泰屬廟灣射陽湖受高寶諸湖
河水浸灌海屬板浦中正臨興三場受山東蒙沂馬陵
諸山水浸駱馬湖沐河下注匯歸四場竈地鹽政董椿
疏勘收成在五分以上雖不成災而修復皆費工本請
將本年四場壓徵五十七年分折價及舊欠錢糧緩至
五十九年麥熟分限徵收戶部覆准其十二月借給一
月口糧亦扣限歸款

乾隆五十九年六七月間泰州各場因風雨上游高寶諸

湖並漲低處被淹八月海州各場因風雨海潮上湧湖
河下趨亦有淹浸經鹽政全德疏言丁谿草堰新興廟
灣板浦中正臨興七場雜糧蕩草歉收在五分以上勘
不成災將應徵折價錢糧緩至來年麥熟分兩年帶完
其板浦中正臨興廟灣四場因災借給口糧遞緩丁谿
草堰新興廟灣四場借給草本來年五月按桶分限一
年扣清東臺何垛二場被水較輕所產蕩草不敷向在
新興廟灣等場購買今新興等場歉收該二場一併借
給草本凡動支鹽課銀二萬五十五兩奉

旨允行

乾隆六十年二月

恩旨普免天下積欠錢糧鹽政蘇楞額疏奏泰州分司所屬丁
谿草堰新興廟灣四場海州分司所屬板浦中正臨興
三場五十八九兩年夏秋被水勘不成災緩徵折價銀
四萬五千九百四十五兩有奇隨徵耗羨銀四千三百
三兩有奇借給口糧穀二萬七千六百三十五石七斗
應徵穀價銀二萬八千九萬二兩有奇共銀七萬九千
一百五十兩九錢零皆蠲之

乾隆六十年閏三月鹽政蘇楞額呈通屬豐利等九場上
年歉收糧價較昂見在青黃不接請撥倉穀三千石平

糶每石按照時價比減例減銀五分七月復呈泰海二
屬上年被水勘不成災之東臺何垛丁谿草堰廟灣五
場請各撥穀三千石新興一場撥穀四千石以上六場
按照時價比減一錢其餘五場比減五分富安安豐梁
垛三場各撥穀三千石劉莊一場撥穀二千石伍祐撥
穀四千石海屬之板浦一場撥穀四千石中正臨興二
場各撥穀三千石該三場每石比減一錢分別出糶戶
部准行

乾隆六十年夏秋海屬雨水淹漫池井鹽政蘇楞額疏勘
板浦中正臨興三場不致成災奉

旨將本年應徵折價緩至明年麥收後啟徵

嘉慶元年夏秋多雨河水漲溢淹灌鹽池鹽政徵瑞疏勘
海屬三場成災八分借給修池工本部議覆准初賑給
本色穀一萬二千六百六十石三斗二賑給折色銀五
千一百八十一兩有奇蠲免折價四分数銀四千三百
八兩有奇其蠲贖及修池并各年帶徵銀遞緩有差二
年正月

恩旨展賑一月本折各半計給本色穀六千一百一十九石一
斗四升五合折色銀三千五十九兩五錢零

嘉慶三年秋泰屬十一場禾稻缺雨夏秋山東漫水下注

海屬三場池并被淹鹽政徵瑞奏勘泰屬收成五分不致成災海屬三場成災九分計三場初賑給本色穀一萬三千四十餘石二賑給折色銀六千五百餘兩三賑給本色穀一萬三百餘石蠲免嘉慶三年壓徵二年分折價六分數銀六千四百六十兩有奇蠲贖及借修鹽池分帶遞徵有差泰屬十一場亦遞緩有差嗣於四年正月欽奉

恩旨海州所屬三場展賑一月銀穀各半散放戶部議准題銷嘉慶四年七月通泰海三屬潮災鹽政徵瑞護理鹽政運使曾煥先後疏勘通泰海三分司所屬之丁谿草堰劉

莊伍祐新興廟灣板浦中正臨興九場成災八分耕茶
角斜豐利掘港金沙呂四餘東餘西石港富安安豐梁
埭東臺何埭十四場勘不成災計丁谿等九場暨耕茶
角斜豐利掘港金沙呂四餘東餘西八場先撫恤一月
口糧銀一萬五千二百九十七兩有奇通泰二屬給房
屋修費銀四千六百七十二兩有奇丁谿等六場首賑
本色穀九萬九千七百七十一石三斗一升二賑折色
銀三萬七千六百四十六兩有奇蠲免嘉慶四年壓徵
三年折價四分數銀一萬三千二百五十五兩有奇板
浦等三場首賑本色穀一萬二千六百三十六石三斗

一升五合二賑折色銀五千三百五十三兩八錢蠲免
嘉慶四年壓徵三年四分數銀四千三百八兩有奇蠲
贖分帶及耕茶等十四場緩徵帶徵各有差奉

旨俞允富安安豐梁埭東臺何埭五場並借給草本以紓竈力
嘉慶五年七月鹽政書曾援

恩詔豁免各省乾隆六十年以前積欠緩徵各銀兩請將海屬
三場因災緩帶未完六十年壓徵五十九年分折價銀
四千六百二十五兩有奇隨徵耗羨銀四百六十一兩
有奇概予豁免部議允之

嘉慶七年六月鹽政佶山疏言海屬板浦中正臨興三場

坐落海州境內向來遇有旱潦竈戶應完折價錢糧得與民賦同請停緩上年冬閒淮徐海三府州屬因災緩帶各款積欠業經督撫奏請分限帶徵卽蘆課河租各條均緩海濱窮竈應完折價事同一例所有壬戌癸亥兩年帶徵乾隆六十年及嘉慶二三五等年分因災遞緩折價積欠銀一萬九千七百三十二兩有奇可否援照民賦之例自嘉慶七年起分作四年帶完奉

旨俞允

嘉慶七年夏秋海屬大雨淹漫鹽池泰屬缺雨鹽政佶山疏勘海屬之板浦中正臨興三場成災七分泰屬之丁

谿草堰劉莊伍祐新興廟灣六場收成五分不致成災
奉

旨敕部分別給賑蠲緩經部議覆准計海屬三場初賑給本色
穀一萬一千六十石七斗二賑給折色銀四千四百二
兩有奇蠲免折價二分數銀三千一百五十四兩有奇
蠲贍及各年帶徵遞徵有差泰屬六場緩徵折價其餘
亦遞緩有差

嘉慶八年春鹽政佶山呈泰海二屬各場上年歉收糧價
較昂通屬各場青黃不接糧價亦昂請各附近鹽義倉
內撥穀六萬七千五百石照各彼地時價分別災熟減

價一錢及一錢五分二錢三錢不等出糶戶部准行

嘉慶九年二月鹽政估山疏言海屬板浦中正臨興三場應徵因災帶緩折價自乾隆六十年暨嘉慶二三四五六等年積有五款之多又壓徵七年分六款同追所有六年分折價未完銀七千九百四十三兩有奇可否援照海州民賦展緩之例俟三場將嘉慶五年以前各款徵完後於丁卯年麥熟起限分作二年帶徵奉

旨允行

嘉慶九年八月鹽政估山呈通屬九場入夏以後陰雨過多糧價昂貴請各撥穀平糶照本年江省核定價值每

石減價三錢戶部准行凡糶穀八千四百石

嘉慶九年十月鹽政估山疏奏屬十一場五月陰雨過多
亭場積水丁谿等六場七月初旬風雨海潮泛溢海屬
三場亦因雨多水積秋禾被淹均勘不成災請緩本年
應徵新舊折價錢糧俟來年麥熟後分二年帶徵奉

旨俞允

謹按次年二月鹽政復奏海屬三場積歉之區青黃
不接請借一月口糧大小丁口需穀一萬二百餘石
俟麥熟徵還亦邀

允准

嘉慶十一年泰屬各場被水十二月新興廟灣二場猶水深數尺不能攤曬丁谿草堰劉莊伍祐四場刮淤起煎產鹽甚少垣商逃散運司曾煥親詣查賑

嘉慶二十三年

恩旨普免天下積欠錢糧兩淮各場未完折價全行豁免

道光元年四月兩江總督孫玉庭札見奉部文查明陞科一案各場有無未經報陞灘地有則逐一勘丈無則據實詳復其商竈承業舊額蕩地亦不得藉端查丈滋擾嗣於道光二年三月運司詳通泰海三屬並無已未報陞灘地經鹽政曾煥批所有金沙等三場淤地仰卽催

令委員勘丈齊全其掘港未陞淤地暫行官爲樵變免請陞科以示體恤

道光二年四月鹽政曾煥檄行通泰兩分司查明各場浮費及一切黑費名目概行革除

道光十年十二月尙書王鼎侍郎寶興兩江總督陶澍會奏淮南以鑷煎鹽淮北以池曬鹽今按池鑷定課每鑷每池約徵銀百餘兩竈丁皆濱海窮民若令先納課而後賣鹽則力有未逮抑令先賣鹽而後納課設遇歉產之日勢必課宕丁逃且場鹽每斤向賣制錢一二文至三四文不等今加入課銀六釐是課重本輕私售但及

交課之半卽獲大利販商卽省重貲仍難免透私之弊
此竈丁之起科難以遽行也澍又奏竈戶煎丁最爲艱
苦宜加體恤查收鹽桶稱舊有定制近來場商每以大
桶重稱任意浮收勒捐致竈戶以交官鹽爲累而樂於
透私應請嗣後由運司衙門驗烙桶稱不准私製毋許
場官再有前項情弊責成場官隨時稽查仍嚴督竈丁
按亭鑑以編保甲復火伏以稽額煎俾清場私之源再
提泰壩掣廳批驗各稱一律較准烙發飭令認真稱驗
並於運河要道之北橋處所運司親蒞抽稱如有格外
重斤卽將稱驗各官參撤示懲奉

旨均照所議行

道光十一年正月新兼兩淮鹽政陶澍札運司照得竈丁以鹽爲生業本貧苦全賴場官優加矜恤得安其業而後能盡力煎鹽不致有盜賣等弊今本部堂訪問竈丁煎鹽運垣有種歇家地戶及掌管人等從中包攬剋價又有垣中掀手需索桶價黑費差役商廝勒取鹽斤種種名色不可枚舉至於竈戶私煎私賣固所當禁而竈頭竈長則互相容隱挾嫌則妄爲指証在場官勤明者何難立予剖斷然相率玩視一任朦混積延更有梟犯被獲往往擇肥誣噬問官據供移縣一經縣差下竈騷

擾尤甚卽使立予昭雪而竈業業已蕩然以上各弊雖
歷經上司行文嚴禁而鹽務各官疲玩成性全不留心
經理今鹽務已改歸本部堂管理豈能仍任積習相沿
札司遵卽轉飭近場各州縣及各場官嗣後竈丁煎鹽
運垣均由運司烙發官稱憑商竈覲面公平量收毋許
再有前項各種名色訛索竈戶查出定行嚴辦至煎丁
遇有被控之案該縣須先移場訊供毋許縣役下竈滋
擾縱有緊要事件由場解丁赴審審明後卽發場供煎
不得仍令羈押致失竈業此次經本部堂嚴飭之後各
宜革舊圖新實力查辦儻敢陽奉陰違仍視爲具文以

發房了事本部堂訪聞得實定卽撤參

謹按嗣據廟灣場稟附近場竈鹽快久經裁革乃於已裁之後仍敢勾串外來梟匪販私謀利及下竈歛錢抽豐掙銷米麥酒肉甚至遇案教供誣陷竈丁等情經鹽政批司通飭近場州縣速將各場鹽役嚴行裁撤毋任再有前弊

道光十一年七月兩淮各場所水災鹽政陶澍奏請撥鹽義倉穀十餘萬石賑救煎丁運夫捆工人等奉

旨允准並查明成災地畝錢糧分別蠲緩

道光十一年十一月鹽政陶澍奏竊照鹽務以場竈爲根

本而竈丁均係濱海窮民必須將所產之鹽隨時售賣
方資餬口伏讀道光二年欽奉

硃諭竈丁全以前煎鹽爲業鹽不能銷卽與災民無異况屆嚴寒
饑寒交迫著卽相機措置務使貧丁安所等因欽此仰見我
皇上軫念窮黎無微不至臣查本年通泰海三分司所屬被水
成災各場竈鹽致被淹消停煎數月艱苦莫支見蒙

恩施賑濟普被

皇仁惟災分過重米價增昂丁力究不免拮据且甫經水涸攤
煎而商人又因資本不敷無力收買該竈丁積鹽莫售
生計實屬艱難查道光二年九年厯屆寒冬均經借款

收買餘鹽以資調劑今歲竭蹶情形較往年不啻倍蓰
若不亟爲調劑恐致流離失所臣等再四思維必須籌
款將竈存餘鹽官爲收買派商搭運在竈丁藉以謀生
得免饑寒之苦而餘鹽既經出售可免偷漏之虞實屬
一舉兩得惟查海州三場最稱繁富通屬九場秦屬十
一場均因水災竭蹶通計二十三場必得籌款四十萬
兩方足稍敷收買之用

國家經費有常兼值災賑河工請撥帑金需費甚鉅旣不
能協濟地方豈敢妄思撥借地方公項萬不得已仍循
成案卽以運庫所收之銀暫行通融辦理伏查運庫自

三月開綱截至十一月初九日止共收得課銀一百二十萬兩除撥解甘肅兵餉及河工餉京外各息銀並准北官督商運水腳及應撥賑銀共用過一百萬兩有零見在尙存庫銀二十萬兩並前經飭商趕運四十萬引案內奏明緩納一兩七錢之課應照口岸提收陸續解還銀六十八萬兩應請將例解各款暫行展緩卽於此內撥出銀四十萬兩作爲收買竈鹽之用務將窮苦煎丁餘鹽設法融收其商人舊收業已歸垣之鹽不許挪用此款所收之鹽乘此時楚西口岸正在暢銷卽責令運商眼同收買承領搭運趕緊銷售將正雜各項按商

運科則剋期補納一面歸還初撥原款毋許仍前按引
攤還致滋延礙如此一轉移閒於庫項不致占攔於商
人亦毫無苦累而海隅災黎得資口食以安竈業皆出
自

聖主逾格

天恩見值隆冬瞬卽歲暮竈丁望澤情殷勢難懸待臣卽飭運
司督同各分司察看各場緩急情形分別銀數多寡由
運庫先放銀十萬兩以應急需其餘銀三十萬兩陸續
放給仍遴妥員認真經理俾窮丁咸沾實惠不許絲毫
假手垣商致滋弊混奉

硃批戶部議奏欽此旋經戶部覆准

互見
濟收

道光十六年四月鹽政陶澍奏本年恭逢

聖母皇太后六旬萬壽普蠲逋賦臣跪讀之下仰見我

皇上大賚寰區之至意查嘉慶二十三年兩淮所屬各場未完

折價口糧等項仰荷

恩綸全行豁免在案此次欽逢

恩旨臣卽敬謹謄黃徧貼各場鄉鎮並飭運司查明各場節年
正耗民欠錢糧及因災緩徵帶徵銀穀並借給籽種口
糧等項各確數去後由前司俞德淵委員分赴各場會
同該場大使按照印簿逐一詳細查明因災緩徵帶徵

竈欠未完各數復核具詳經署督臣林則徐札行護運
司淮南監掣同知姚瑩覆加查核另行造冊詳送又經
臣批回新任運司劉萬程再加覆核茲據該司查明具
詳請奏前來臣覆加確核除通州分司所屬各場並無
道光十年以前竈欠外其泰州海州二分司所屬各場
自嘉慶二十三年歷徵二十二年起至道光十年歷徵
九年止因災緩徵折價其實欠在竈銀十九萬一千七
百五十六兩一錢七分八釐隨徵耗羨實欠在竈銀一
萬七千四百九十七兩九錢五分三釐又泰海二屬各
場道光十二三五七等年因災竈借給口糧其實欠在

竈銀十三萬七千六百七十四兩七錢四分六釐均係
因災緩徵實欠在竈之款應請援案懇乞

恩施奉

硃批戶部議奏欽此旋奉

特旨加恩一體豁免

恭載

上諭一道

德音

道光二十九年六月北掣同知童濂稟淮北有捐備倉穀
一款係因竈戶素本貧窮一遇災荒則凍餒流亡比之
民人尤甚卑職於道光十七年稟明酌定章程令票販
場商買賣垣鹽之時按引各捐銀一分繳存分司庫內
專爲淮北竈戶救荒之用自十七年票鹽定額四十六

萬引加以江運三四萬引計每年捐銀總在一萬兩內
外除蓋倉買穀之外至本年爲止約尙存銀六萬八千
餘兩有歷年申送董事刊刻清冊可稽如有他處災荒
暫時借動仍應歸款

互見助賑

咸豐四年九月鹽政怡良奏稱淮南引地梗阻鹽務總無
辦法而二十場竈丁失業將及兩載場商旣無力收鹽
富商大販又不敢冒險認運當此軍餉支絀之時又萬
萬不能請項調劑撫綏無術智竭力窮實有迫不及待
之勢今日欲恤竈艱計惟便小販使鹽可零售庶幾竈
可資生而欲便小販計惟輕稅程使有利可圖庶幾招

販較易連日商推擬請飭令各場一體設廠抽稅按鹽
百斤抽稅錢三百文以二百四十文作爲報撥正稅以
六十文作爲外銷經費易引爲斤易銀爲錢無非體恤
小販而核計每百斤成本售價抽錢三百則尙覺其多
斷難再爲加重固知抽稅不及正課之半未免過輕第
處此萬竄交困人心皇皇之時勢等倒懸急何能擇所
有抽稅之法廠由場設各販於買鹽時隨鹽繳錢其鹽
計票不計引以一百斤起票擬由司造就大票給分司
轉發各場隨時填給票根送司備查一稅之後除浙江
淮北引地及已據認辦之江甘高寶四岸不准侵銷外

餘均聽其繞道東壩設法運銷至兩場之泰州興化東
臺鹽城阜甯通州如皋七州縣向不食引而見值軍需
緊急百貨抽釐之際自應仍令一體抽稅事平卽行停
止惟此等零星食鹽究與食岸有別擬酌令每斤抽稅
錢一文作爲正稅抽錢半文作爲外銷經費另給小票
以示區別仍嚴飭各州縣各委員嚴行查禁毋許侵及
食岸各場抽稅錢至五百千卽解分司分司積稅錢至
一千千卽解運庫就近解支軍河各餉卽以制錢二千
作爲庫銀一兩至各場設廠設卡情形不同應責成各
分司督同各場大使因地制宜分別妥辦如再有不知

振作任聽竈戶透私者由司隨時揭參至就場徵課各商販已認之引及倡導委員未完之課仍令照舊完納如有另籌運道至江西等岸以及江西湖廣完善口岸借食鄰鹽悉仍照就場徵課則不得藉此議減此特爲便小販恤竈艱起見於無可設法之中作暫時權宜之計似與戶部立法欲簡抽稅欲輕之意尙屬相符惟江路阻塞已及兩年近日東壩亦復被賊雖爲我兵擊退而販情彌復疑懼驚慌此次稅程實屬無可再減而能否運銷尙覺毫無把握所請試辦設廠抽稅俟試辦三箇月後察看能否運銷再行奏明請

旨以昭慎重

互見就場徵課

同治十二年十二月運司方濬頤詳辦茶角斜兩場竈下

有鹽莫售請招商接收以濟竈困經鹽政李宗義批允

互見濟收

光緒二年十二月海分司于寶之呈據三場垣商許德裕等稟稱本年亢旱失收各竈窮苦異常公議籌捐每引一分由庫先行墊發轉瞬開辦新綱卽請飭販於應付鹽價內扣繳惟所捐之款恐不敷用懇勸諭票販亦照每引捐輸一分合計銀五千餘兩一併發場採買雜糧隨時接濟等情查此項銀兩自應准如所稟先行庫墊

飭販於開網時應付鹽價內按引扣繳至票販應繳倉穀一款今春興挑臨浦鹽河已經預提四綱若再飭販另行捐輸未免重疊諭令各販再行預繳一綱一併發場採買雜糧隨時散給以濟窮竈而免流離

光緒三年正月運司歐陽正塘呈據廟灣場陳大使詳場境被旱被潮農煎困苦懇恩准照縣案撥款接濟等情查此案前據該場大使以各竈被旱災歉請款賑恤並擬分別勸捐酌辦粥賑暫濟口食具詳到司當批仰泰分司督飭新任場員強大使妥爲籌捐設廠施粥嗣又據該場竈李如謙等呈稱廟灣場東南緊臨湖海西北

昆連安桃素爲地瘠民貧之區十有八歉本年春夏亢旱蕩草秋禾乾枯殆盡尙有溷潮漲灌停留一百餘日飛蝗遺殃交冬仍恐萌生雖荷各場會詳僅准錢糧緩納而賑濟一層皆以庫款支絀爲詞茲查阜甯縣已請賑銀四千兩並勸捐設廠放粥竈籍亦係子民乞設法賑恤等情又經本司批飭候補運判項晉蕃會同泰州分司蕭運判確查速復去後頃奉院批廟灣竈情旣如此困苦仰卽由該司於工賑捐項內酌撥銀兩飭發新任場員妥爲撫恤並札泰分司就近督辦等因本司遵卽札飭淮南總局於工賑捐項內撥銀二千兩解交項

運判飭發廟灣場員撫恤去後旋據項晉蕃稟稱馳赴廟灣場該場暨天賜併場地方坐落阜甯縣境爲泰屬之尾間向有農竈煎竈之分范隄東北古熟田畝專種糧食者謂之農竈鮑墩以下專業煎鹽者謂之煎竈統計隄於廟灣場境南北共計二百餘里農竈惟望有收專資餬口上年二麥歉收入夏後亢旱日久飛蝗過境加以漲潮倒灌秋收顆粒皆無生計日促窮苦難堪煎竈專事辦煎上年亦以乾旱太久亭場曬裂產數甚微前署廟灣場陳大使所稟係屬實情目下惟東鄉二十總受災較輕尙可自相周濟其餘頭竈三七九等竈及

天賜併場鮑墩池東等處命在倒懸阜甯縣民人已由縣請款撫恤似應一體量予接濟惟查上年該場竈被災獨重地廣戶多欲請概予撫恤誠恐鉅款難籌祇有先擇極貧之戶量爲散給懇轉稟督鹽憲先行撥錢四千串查明分別農竈煎丁擇其實係極貧之戶仿照阜甯縣賑撫章程按名秉公散給等情本司當飭總局委員於工賑捐款內添撥銀四百兩解交項運判飭發該場強張兩大使妥爲議章迅速撫恤理合報明查考

光緒三年三月分司于寶之稟據三場垣商許德裕等稟以上年亢旱秋成歉薄各竈異常困苦情願按引捐銀

一分由庫墊發採買雜糧賑濟請諭票販一體輸捐等情當令准如所稟卽將此項銀兩先由卑局庫墊發飭販於開綱應付鹽價內按引扣繳並諭各販預繳丁丑一綱倉穀銀兩一並札發三場大使督董採買雜糧隨時散給以濟窮竈當將辦理情形報明嗣據西臨局轉據竈生丁開乾等稟求速放接濟復經札場催董趕緊採買一面督飭商董查明應賑戶口循照舊章安速散放去後茲據署板浦場大使錢敬曾稟稱遵卽移會中臨兩場督同各商董悉心察議擬照向章一律普賑給予一月口糧大口給穀三斗小口減半第見值青黃不

接之時外來糧食稀少價值騰貴存銀尙存四千餘兩
一時難以收買存倉穀石不敷散給可否查照上屆成
案每穀一石給銀六錢按成搭放之處請示祇遵並據
另稟督飭倉董前赴各鄉鎮陸續購得小麥六百三十
石南米四十五石穀一千零五十石盤量進倉卑職查
買穀無多存銀尙鉅若俟購齊散放有需時日誠恐緩
不濟急據請援照上屆成案每穀一石給銀六錢按成
搭放亦係爲速濟竈艱起見經運司歐陽正壩批仰卽
督飭該三場大使擇日照章散放將應賑極次貧竈大
小戶口連同所購麥穀米石價值分別取具冊結稟呈

以憑核詳請銷毋任稍延仍候報明督鹽憲查考

光緒六年十一月泰分司項晉蕃稟本年入秋以來兩月餘無雨涵氣不升查竈丁係濱海窮黎卒歲勤劬專恃煎鹽爲生竈戶一日不煎卽一日不能餬口近來海勢東趨多有移亭就涵便於收買歸垣無非體恤竈丁之意卑屬各場竈河年久失挑久晴淺涸竈鹽無力送垣堆儲竈傍轉售私販在該丁等無非爲日食起見不得已而爲此情殊可憫見查東臺富安等場各商多有因竈河水涸不待竈戶運送入垣卽派商夥就竈下收鹽洵稱兩便此外各場值此竈河水淺之際亦擬諭令一

律辦理務須儘產儘收不使顆粒存竈免致乘閒偷漏
該竈丁等既省遠送之資而隨煎隨售亦免囤積之苦
商人果能如此加意恤竈竈丁自不敢甘心透私矣經
鹽政劉坤一批飭認真經理

光緒七年七月鹽政劉坤一奏兩淮泰州分司所屬各場
於六月二十一等日同遭風潮自二十日亥時起陡發
颶風繼以陣雨勢甚猛烈歷一晝夜之久風勢始平時
值大汛期內海潮乘勢內灌平地水深四五尺不等人
畜不無淹斃鍋篷竈舍亦多漂洶各竈丁蕩析離居以
新興伍祐兩場爲最重先由分司場員捐廉籌備乾糧

蘆席馳往各竈俾資棲食各場堆鹽先期多備籤席幸保無虞據江甯布政使梁肇煌兩淮鹽運使洪汝奎先後詳稟前來查前月二十一二等日沿海風災不止秦屬鹽場而以該處被災爲尤甚除批飭將各場捐存倉穀錢文先行動放並將無主認領屍骸就地掩埋一面勸諭場運各商捐資助賑如有不敷再由運司籌款接濟無分民竈一律體恤俾免失所奉

旨知道了欽此

光緒七年八月鹽政劉坤一奏淮南泰州分司所屬各場於六月間猝遭風潮受災頗重經臣奏奉

諭旨飭屬妥爲撫恤勿任失所等因欽此當經督飭運司籌撥庫款揀派委員馳詣被災各場會同場員挨查戶口但分極次不分民竈按場散給不假胥吏之手場運兩商亦均勉力捐錢助賑以伍祐新興草堰廟灣四場被災較重發款尤多一面購運竹木修復竈舍並製辦棉衣萬餘件俾資禦寒除官紳捐助並商捐錢二萬五千串外共計動撥運庫正項銀二萬五千兩各災丁渥荷皇仁歡同挾纊見在亭場均已涸復鍋篷大半修整陸續起煎照常安業奉

旨知道了欽此

附竈例

同治十一年三月運司方濬頤等會詳查商竈例案除犯
真實命盜重情外其餘詞訟就近聽鹽務衙門審結又
匪徒焚燒偷竊強炊侵擾等案由場訊究儻敢不服捏
詞裝傷歧控有司許場移縣將棍徒解還審辦如罪應
歸縣議辦再行移送歷經各前司詳奉督鹽憲批飭通
行近場各州縣遵照並由司給發告示發場勒石永禁
在案本司道查從前定案似係專指商人竈戶煎丁等
項牽涉事件除真實命盜重情及應擬徒罪以上之案
外尋常詞訟概歸場員審理而言並未別清民竈交涉

詞訟作何區別辦理近來民竈往往有挾嫌圖詐分赴
地方鹽務衙門互控之案州縣場員遇有交涉事件輒
行拘泥遲延累月經年莫能清結適遂其歧控拖累之
計似應明晰定章以歸畫一嗣後民竈互控案件但非
真實命盜之案應擬徒以上情節無論原是被告及民
人是否居住竈地州縣均不必接收呈詞概令赴場告
理或以民人是否居住竈地爲斷如係居住竈地民人
州縣無庸過問其非住居竈地民人場員無庸過問庶
將來民竈互控事件各有遵循刁徒無從歧控經鹽政
何璟批民竈交涉詞訟歧控拖累此弊由來已久而以

鹽務細故歧控地方衙門爲尤甚該司道等會議區別之法嗣後民竈互控案件非真實命盜及罪應擬徒以上情節無論是原是被及民人是否住居竈地州縣均不必接收呈詞概令赴場告理最爲直捷應照此議定案

同治十一年十月運司方濬頤札泰分司據廟灣場大使稟阜邑詞訟凡遇竈戶或竈地稍有牽涉之事及兩造均係民人所控又係民人而住居竈地者並毆有傷痕之案概不收驗飭令赴場請驗控理卑職以卑場衙門向無驗傷之責是以不設件作仍飭赴縣將傷驗明再

行來場控理乃該民竈等輒稱縣不收驗是以投場請
驗若場署亦復不收是此地縣場並設轉致小民有冤
莫伸况見在奉憲定章禁止歧控是以縣署不收飭令
遵章投場照前憲勒石永禁示內有儻敢裝傷歧控將
棍徒移回審辦之句可見傷之真僞自應明驗等語卑
職伏查憲札原未奉飭令驗傷若復彼此互推似又不
成政體祇得暫行移借仵作權且收驗自此請驗之案
又復接續而來核其情節較輕者均飭先行具詞惟卑
場與縣同城民竈雜處詞訟案件非此卽彼舉足卽至
而地方風俗又復强悍些微事故動輒爭毆似與別場

辦理情形又有不同查卑場之設原係專司鹺務承驗
毆傷旣無件作亦無責任且傷痕之真僞輕重卽罪名
之出入攸關固自不容草率似應仍歸縣驗擬請札飭
阜邑嗣後民竈詞訟遇有毆傷仍先驗明輕重立案再
行分別移場理結等情合據札仰該分司卽便轉飭遵
照此後民竈詞訟遇有毆傷之案先送州縣驗明輕重
取具傷單由場理結以杜紛歧

兩淮鹽法志卷一百四十二